

庶物類纂

草屬
自九至十一

容

太政官文庫			
和書門	特別類	一三三六二號	茅五番函
		四六五册	架

内閣文庫			
番號	和	32362	
冊數	465	(6)
函號	特	54	1

五十七内

共廿



Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



10904



庶物

類

纂

草

屬

卷

之

九

目

次

杜

蘅

細

辛

及

己

鹿

蹄

草

庶物類纂

卷九

草屬目次



杜蘅

一名杜爾雅 一名土鹵同上 一名馬蹄香唐本草
 一名杜蘅葵爾雅 一名蘂楊升菴 一名蘂蘂香
 同上



杜

杜土鹵爾雅

杜衡也似葵而香晉郭璞爾雅註

香草也一名杜一名土鹵郭云杜衡也似葵而香本

草唐本注云杜衡葉似葵形如馬蹄故俗云馬蹄香

生山之陰水澤下溼地根似細辛白前等山海經云

天帝山有草其狀如葵其臭如麝蕪名曰杜衡可以

走馬食之已瘕是也宋邢昺爾雅疏

杜衡也葉似馬蹄故謂之馬蹄今南人誤作細辛用

之宋鄭夾漈
爾雅註

杜蘅陶隱居云根葉都似細辛惟氣小異爾處處有之方藥少用惟道家服之令人身衣香山海經云可療癭唐本注云杜蘅葉似葵形如馬蹄故俗云馬蹄香生山之陰水澤下溼地根似細辛白前等今俗以及已代之謬矣及已獨莖莖端四葉葉間白花殊無芳氣有毒服之令人吐惟療瘡疥不可亂杜蘅也臣禹錫等謹按爾雅云杜土鹵注杜蘅也似葵而香山海經云天帝山有草狀如葵其臭如薜蘿名曰杜蘅

可以走馬食之已癭郭璞注云帶之令人便馬或曰

馬得之而健走嘉祐補
注本草

杜蘅舊不著所出州土今江淮間皆有之苗葉都似細辛惟香氣小異而根亦羸黃白色葉似馬蹄故名馬蹄香三月三日採根熟洗暴乾謹按山海經云天帝之山有草狀如葵其臭如薜蘿名曰杜蘅可以走馬食之已癭郭璞注云帶之可以走馬或曰馬得之而健走爾雅謂之杜又名土鹵然杜若亦名杜蘅或疑是杜若據郭璞注云似葵而香故知是此杜蘅也

今人用作浴湯及衣香甚佳本草圖經

杜蘅用根似細辛但根色白葉如馬蹄之下市者往

往亂細辛須如此別之爾雅以謂似葵而香是也將

杜蘅與細辛相對便見真偽況細辛惟出華州者良

杜蘅其色黃白拳局而脆乾則作圓宋寇宗奭本草衍義

杜蘅按土宿本草云杜細辛葉圓如馬蹄紫背者良

江南荆湖川陝閩廣俱有之取自然汁可伏硫砒制

汞明李東璧本草綱目

古方吐藥往往用杜蘅者非杜蘅也乃及已也及已

似細辛而有毒吐人昔人多以及已當杜蘅杜蘅當

細辛故爾錯誤也杜蘅則無毒不吐人功雖不及細

辛而亦能散風寒下氣消痰行水破血也同上

又西三百五十里曰天帝之山上多椶櫚下多管蕙

管茅類也有獸焉其狀如狗名曰谿或作邊或作遺席其皮

者不蠱有鳥焉其狀如鴉黑文而赤翁翁頭下毛音汲甕之甕

名曰櫟音砂磔之磔食之已痔有草焉其狀如葵其臭如

薜蘿名曰杜蘅香草也可以走馬帶之令人便馬或食日馬得之而健走


之已瘿西山經郭氏傳

杜衡亂細辛晉張華博物志

西山經曰天帝之山有草焉狀如葵其臭如薜蘿名曰杜衡可以走馬食之已瘿郭氏曰帶之令人便馬或曰馬得之而健走山海經雖載異物其實皆世所有今杜衡生山之陰水澤下溼地根葉都似細辛惟氣小異俗以其似馬蹄名曰馬蹄香能香人衣體道家服之九歌山鬼章曰被石蘭兮帶杜衡杜衡之帶亦以其便馬不特香人衣體而已又其名謂之衡古者天子大路側載翠芷所以養鼻明車上亦有香草

此衡既便於馬或當亦載之衡歟又杜若亦有杜衡之名草木所以雜言者以其名實相亂每每如此杜衡或只名杜釋草一名土鹵又謂之杜衡葵今俗以及已代之及已獨莖莖端四葉開白花有毒而無芳氣宋羅願爾雅翼

杜蘅曰杜曰土鹵能香人衣體南人以亂細辛其葉似馬蹄故亦名馬蹄香爾雅云杜土鹵宋鄭夾滌昆蟲草木畧荀子云蘭槐之根是為芷大戴禮蘭氏之根懷氏之苞漸之修矣君子不近庶人不服注蘭槐香草名槐



又作懷。本草云：懷者即杜衡也。又名衡薇香。唐詩：情人一去無窮已，欲贈懷香恨不逢。即此也。
明楊升菴文集

細辛

一名小辛。神農本草 一名細草。嘉祐補註本草 一名少辛。
山海經



細辛

細辛陶隱居云今用東陽臨海者形段乃好而辛烈不及葦陰高麗者用之去其頭節人患口臭者含之多效最能除痰明目臣禹錫等謹按范子云細辛出葦陰色白者善吳氏云細辛一名細草神農黃帝雷公桐君辛小温岐伯無毒季氏小寒如蔡葉赤黑一根一葉相連嘉祐補註本草

細辛生葦山山谷今處處有之然它處所出者不及葦州者真其根細而其味極辛故名之曰細辛二月

八月採根陰乾用今人多以杜蘅當之杜蘅吐人用時須細辨耳杜蘅春初於宿根上生苗葉似馬蹄形狀高三二寸莖如麥藁麤細每窠上有五七葉或八九葉別無枝蔓又於葉莖間罅內蘆頭上貼地生紫花其花似見不見闇結實如豆大窠內有碎子似天仙子苗葉俱青經霜即枯其根成窠有似飯帚密開細長四五寸微黃白色味辛江淮俗呼為馬蹄香今人多誤用故此詳述之

本草圖經

別說云謹按細辛非華陰者不得為細辛用若杜蘅

之類自應依本性於用爾又細辛若單用未不可過半錢匕多即氣悶寒不通者死雖死無傷近年關中或用此毒人者聞平涼獄中嘗治此故不可不記非本有毒但以小識多寡之用因以有此

宋唐慎微證類本草

細辛用根今惟華州者佳柔韌極細直淡紫色味極辛嚼之習習如椒治頭面風痛不可闕也葉如葵葉赤黑非此則杜蘅也杜蘅葉形如馬蹄下故俗云馬蹄香蓋似白前又似細辛襄漢間一種細辛極細而直色黃白乃是鬼叔郵不可用

宋寇宗奭本草衍義

博物志言杜衡亂細辛自古已然矣沈氏所說甚詳大抵能亂細辛者不止杜衡皆當以根苗色味細辨之葉似小葵柔莖細根直而色紫味極辛者細辛也葉似馬蹄莖微粗根曲而黃白色味亦辛者杜衡也一莖直上莖端生葉如繖根似細辛微粗直而黃白色味辛微苦者鬼督郵也似鬼督郵而色黑者及己也葉似小桑根似細辛微粗長而黃色味辛而有臊氣者徐長卿也葉似柳而根似細辛粗長黃白色而味苦者白微也似白微而白直味甘者白前也

明李東璧

本草

細目

東方南方所用細辛皆杜衡也又謂之馬蹄香也黃白拳局而脆乾則作團非細辛也細辛出華山極細而直淡紫色味極辛嚼之習習如椒其辛更甚於椒故本草云細辛水漬令直是以杜衡偽為之也襄漢間又有一種細辛極細而直色黃白乃是鬼督郵亦非細辛也

宋沈存中夢溪筆談

入闕通志

江陰縣志

細辛花出華山者良一葉五瓣三閃花紅狀似牽牛

根可入藥清陳湜子秘傳花鏡

及已

一名樟耳細辛本草綱目

俗名革他拔密加賀州



及已

及已陶隱居云今人多合瘡疥膏甚驗唐本注云此草一莖莖頭四葉葉隙著白花好生山谷陰虛軟地根似細辛而黑有毒入口使人吐血今以當杜蘅非也疥瘙必須用之臣禹錫等謹按蜀本圖經云二月採根日乾之嘉祐補註本草

謹按及已莖頭生葉三片當作莖頭三葉

唐本注云及已獨莖莖端四葉葉間白花殊無芳氣有毒服之令人吐惟療瘡疥不可亂杜蘅也同上○見杜蘅

條

及已名義未詳二月生苗先開白花後方生葉二片
狀如樟耳根如細辛故名樟耳細辛
明李東壁
本草綱目

鹿蹄草

一名小秦王草
本草綱目 一名秦王試劍草
同上

鹿蹄草

鹿蹄草鹿蹄象葉形能合金瘡故名試劍草又山慈姑亦名鹿蹄與此不同按軒轅述寶藏論云鹿蹄多生江廣平陸及寺院荒處淮北絕少川陝亦有苗似葦菜而葉頗大背紫色春生紫花結青實如天茄子可制雌黃丹砂明李東璧本草綱目

庶物類纂草屬卷之十目次

赤箭

地黃

牛膝

草屬目次

赤箭

一名離母神農本草 一名鬼督郵同上 一名赤箭脂
嘉祐補註本草 一名天麻同上 一名定風草同上 一名神
草吳普本草 一名合離草抱朴子 一名獨搖芝同上

俗名思地柰陸奧州

赤箭

赤箭陶隱居云陳倉屬雍州扶風郡按此草亦是芝類云莖赤如箭幹葉生其端根如人足又云如芋有十二子為衛有風不動無風自搖如此亦非俗所見而徐長卿亦名鬼督郵又復有鬼箭莖有羽其療莖相似而益人乖異恐非此赤箭唐本注云此芝類莖似箭幹赤色端有花葉遠看如箭有羽根皮肉汁與天門冬同惟無心脉去根五六寸有十餘子衛似芋其實似苦楝子核作五六稜中肉如麩日暴則枯

萎也得根即生噉音之無乾服法嘉祐補註本草

赤箭生陳倉川谷雍州及泰山少室今江湖間亦有之然不中藥用其苗獨莖如箭幹葉生其端四月開花幹葉俱赤實似枯苦楝子核作五六稜中有肉如麩日暴則枯萎其根大類天門冬惟無心脉耳去根五六寸有十餘子為衛似芋三月四月八月採根暴乾今二月四月採苗七月八月九月採根謹按此草有風不動無風則自搖抱朴子云按仙方中有合離草一名獨搖一名離母所以謂之合離離母者此草

為物下根如芋魁有游子十二枚周環之去大魁數尺雖相須而實不連但以氣相屬耳如菟絲之草下有茯苓之根無此則絲不得上亦不相屬也然則赤菟亦不復聞有見者殆其種類中時有神異者乃如此耳又陶蘇皆云赤箭是芝類而上有六芝條五芝皆以五色生於五嶽諸方所獻者紫芝生高夏山谷蘇云芝多黃白稀有黑青者紫芝最多非五芝類但芝自難得縱獲一二豈得終久服邪今山中雖時復

有之而人莫能識其真醫家絕無用者故州郡亦無
圖上蓋祥異之物非世常有但附其說於此耳凡採
藥時月皆先據本經而後著今土俗所宜且赤箭本
經但云三月四月八月採根不言用苗而今方家乃
并用根苗各有收採時月與本經參差不同難以兼
著故但從今法其他藥有相類者亦同此比又按序
例云凡採藥其根物多以二月八月採者謂春初津
潤始萌未衝枝葉勢力淳濃故也至秋枝葉津潤歸
流於下今即事驗之春寧宜早秋寧宜晚據此文意

採根者須晚秋以後初春以前欲其苗梗枯落至未
萌芽時氣味正完乃可採耳然其他藥類生長及枯
死有早晚採之自隨其時不必拘以春秋也下文云
華實莖葉乃各隨其所熟歲月亦有早晏不必都依
本文是其義也他亦同此比本草圖經
別說云謹按今醫家見用天麻即是此赤箭根今補
注與圖經所載乃別是一物中品之下又出天麻一
目注云出鄆州考今之所出赤箭根苗乃自齊鄆而
來者為上今翰林沈公括最為博識嘗解此一說云

古方用天麻者不用赤箭用赤箭者即無天麻方中諸藥皆同而唯此名或別即是天麻赤箭本為一物竝合用根也今中品之下所別出天麻一目乃與此赤箭所說都不相干即明別是一物爾然中品之下所為天麻者世所未嘗見用今就此赤箭根為天麻則與今所用不相違然赤箭則言苗用之有自表入裏之功天麻則言根用之有自內達外之理根則抽苗徑直而上苗則結子成熟而落返從籜中而下至土而生似此粗可識其外內主治之理

宋唐慎微證類本草

赤箭天麻苗也然與天麻治療不同故後人分乏為

二經中言八月採根暴乾故知此即苗也

宋寇宗奭本草衍義

天麻葉如芍藥而小當中抽一莖直上如箭籜莖端結實狀若續隨子至葉枯時子黃熟其根連一二十枚猶如天門冬之類形如黃瓜亦如蘆腹大小不定彼人多生噉或蒸煮食之今多用鄆州者佳今臣禹錫等謹按別注又云主諸毒惡氣支滿寒疝下血今處處有之時人多用焉莖似箭籜赤色故莖名赤箭也藥性論云赤箭脂一名天麻又名定風草味甘平

能治冷氣瘧痺癱緩不遂語多恍惚多驚失志陳藏器云天麻寒主熱毒癰腫擣莖葉傅之亦取子作飲去熱氣生平澤似馬鞭草節節生紫花花中有子如

青箱子嘉祐補註本草

謹按李東壁曰陳氏所說乃一種天麻草是益母草之類是也嘉祐本草誤引入天麻下耳

天麻生鄆州利州泰山嶗山諸山今京東京西湖南淮南州郡亦有之春生苗初出若芍藥獨抽一莖直上高三二尺如箭筈狀青赤色故名赤箭脂莖中空

依半以上點莖微有米小葉梢頭生成穗開花結子如豆粒大其子至夏不落卻透虛入莖中潛生土內其根形如黃瓜連生一二十枚大者有重半斤或五六兩其皮黃白色名曰龍皮肉名天麻二月三月五月八月內採初取得乘潤刮去皮沸湯畧煮過暴乾收之嵩山衡山人或取生者蜜煎作果食之甚珍本草

圖經

別說云謹按赤箭條下所說甚詳今就此考之尤為分明詳此圖經之狀即赤箭苗之味長大者二說前

後自不同則所為紫花者又不知是何物也若依赤
箭條後用之為是

宋唐慎微
證類本草

天麻用根須別藥相佐使然後見其功仍須加而用
之人或蜜漬為果或丞煮食用天麻者深思之則得
矣苗則赤箭也

宋寇宗奭
本草行義

赤箭以狀而名獨搖定風以性異而名離母合離以
根異而名神草鬼督郵以功而名天麻即赤箭之根

開寶本草重出一條詳後集解下

明李東璧
本草綱目

本經止有赤箭後人稱為天麻甄權藥性論云赤箭

芝一名天麻本自明白宋人馬志重修本草重出天
麻遂致分辨如此沈括筆談云神農本草明言赤箭
采根後人謂其莖如箭疑當用莖蓋不然也譬如為
尾牛膝皆因莖葉相似其用則根何足疑哉上品五
芝之外補益上藥赤箭為第一世人惑於天麻之說
遂止用之治風良可惜哉沈公此說雖是但根莖並
皆可用天麻子從莖中落下俗名還筒子其根暴乾
肉色堅白如羊角色呼羊角天麻丞過黃皺如乾瓜
者俗呼醬瓜天麻皆可用者一種形尖而空薄如玄

參狀者不堪用。抱朴子云：獨搖芝生高山深谷之處，所生左右無草，其莖大如手指，赤如丹，素葉似小莧，根有大魁如斗，細者如雞子，十二枚繞之，人得大者服之延年。按此乃天麻中一種神異者，如人參中之神參也。同上


合離根如芋魁，有游子十二環之，相須而生，而實不連，以氣相屬，一名獨搖，一名離母。土人所食者，

合呼為赤箭。唐段成式酉陽雜俎

世傳四味五兩，天麻煎，蓋古方本以四時加減，世但

傳春利耳，春肝王多風，故倍天麻。夏伏陰，故倍烏頭。秋多利下，故倍地榆。冬伏陽，故倍玄參。當須去皮生用，治之萬擣烏頭無復毒，依此常服，不獨去病，乃保真延年。與仲景八味丸並驅矣。天麻煎。宋蘇東坡文集

赤箭即今之天麻也。後人既誤出天麻一條，遂指赤箭別為一物，既無此物，不得已又取天麻苗為之，滋為不然。本草明稱採根陰乾，安得以苗為之。草藥上品除五芝之外，赤箭為第一。此神仙補理養生上藥，世人惑於天麻之說，遂止用之，治風良可惜哉。以謂



其莖如箭既言赤箭疑當用莖此尤不然至如鳶尾牛膝之類皆謂莖葉有所似則用根耳何足疑哉

宋沈存中夢溪筆談

謹按沈存中是說甚確也足以正諸家之誤矣

之頤采諸說云赤箭春生苗初出如芍藥獨抽一莖挺然直上高三四尺莖中空色正赤貼莖杪之半微有尖小紅葉四月梢頭成穗作花灰白宛如箭籜且有羽者有風不動無風自搖結實如棟子核有六稜中仁如麩至秋不落卻透空入莖中還筒而下潛生

土內根如芋去根三五寸有游子十二枚環列如衛皆有細根如白髮雖相須實不相連但以氣相屬耳大者重半斤或五六兩皮色黃白名曰龍皮肉即天麻也本經名槩根苗後人分苗曰赤箭根曰天麻功力稍有同異故耳有御風草與赤箭相似獨莖色青斑葉背黃白兼有青點隨風動搖子不還筒治療稍合補益大乖異矣

清劉若金本草述

沈括筆談云神農本草明言赤箭采根後人謂其莖如箭疑當用莖蓋不然也譬如鳶尾牛膝皆因莖葉

相似其用則根何足疑哉愚按沈存中號博識况采
根用之據於本經哉如謂其苗結子從莖中歸土為
有異於根耶不知正此為歸其根也何分同異上

地黃

一名芑爾雅一名地髓神農本草一名芑名醫別錄一名

牛孀子花本草衍義一名婆婆孀救荒本草一名山芥

菜上海縣志

本草綱目卷之十一

地黃

芑地黃爾雅○
芑音戶

一名地髓江東呼芑晉郭璞
爾雅註

藥草也郭云一名地髓江東人呼芑案本草地黃一

名地髓一名芑一名芑陶注云生涇城者乃有子實

實如小麥宋邢昺
爾雅疏

地黃生咸陽川澤黃土地者佳今處處有之以同州者為上二月生葉布地便出似車前葉上有皺文而不光高者及尺餘低者三四寸其花似油麻花而紅

無功類纂

草屬

地黃

二

紫色亦有黃花者其實作房如連翹子甚細而沙褐
色根如人手指通黃色麤細長短不常二月採根蒸
三二日令爛暴乾謂之熟地黃陰乾者是生地黃種
之甚易根入土即生一說古稱種地黃宜黃土今不
然大宜肥壤虛地則根大而多汁其法以葦席圓編
如車輪徑丈餘以壤土實葦席中為壇壇上又以葦
席實土為一級比下壇徑減一尺如此數級如浮屠
也乃以地黃根節多者寸斷之蒔壇上層層令滿逐
日以水灌之令茂盛至春秋分時自上層取之根皆

長大而不斷折不被斷傷故也得根暴乾之熟乾地
黃最上出同州光潤而甘美南方不復識但以生地
黃草煙熏使乾黑洗之煤盡仍白也今乾之法取肥
地黃三二十斤淨洗更以揀去細根及根節瘦短者
亦得三二十斤擣絞取汁投銀銅器中下肥地黃浸
漉令淡飯上蒸三四過時時浸漉轉蒸訖又暴使汁
盡其地黃光黑如漆味甘如飴糖須瓷器內收之以
其脂柔喜暴潤也又醫家欲辨精粗初採得以水浸
有浮者名天黃不堪用半沉者名人黃為次其沉者

名地黄最佳也。本草經

地黄葉如甘露子花如脂麻花但有細斑點北人謂之牛孺子花莖有微細短白毛。宋寇宗奭本草衍義

地黄苗俗名婆婆孺一名地髓一名芑一名芑生咸陽川澤今處處有之苗初搗地生葉如山白菜葉而毛澀葉面深青色又似芥菜葉而不花又比芥菜葉頗厚葉中攢莖上有細毛莖稍開筒子花紅黃色北人謂之牛孺子花結實如小麥粒根長四五寸細如手指皮赤黃色味甘苦性寒無毒惡貝母畏蕪荑得

麥門冬清酒良忌鐵器救饑採葉煮羹食或搗絞根汁搜麩作飢飢及冷淘食之或取根浸洗淨九蒸九暴任意服食或煎以為煎食久服輕身不老變白延

年明周憲王救荒本草

地黄今人惟以懷慶地黄為上亦各處隨時興廢不同爾其苗初生場地葉如山白菜而毛濇葉面深青色又似小芥葉而頗厚不又葉中攢莖上有細毛莖稍開小筒子花紅黃色結實如小麥粒根長四五寸細如手指皮赤黃色如羊蹄根及葫蘿蔔根曝乾

乃黑生食作土氣俗呼其苗為婆婆奶古人種子今
惟種根王旻山居錄云地黃嫩苗摘其旁葉作菜甚
益人本草以二月八月採根殊未窮物性八月殘葉
猶在葉中精氣未盡歸根二月新苗已生根中精氣
已滋於葉不如正月九月採者殊好又與柰曝相宜
禮記云羊苜蓿則自古已食之矣嘉謨曰江湖壤
地種者受南方陽氣質雖光潤而力微懷慶山產者
稟北方純陰皮有疙瘩而力大

明李東壁
本草綱目

許元公入京師赴省試過橋墮馬右臂白脫路人語

其僕曰急與按入臼中若血漬白則難治矣僕用其
說許已昏迷不覺痛遂僦輜舁歸邸或曰非錄事田
馬騎不能了此疾急召之至已入暮秉燭視其面曰
尚可治乃施藥封腫處至中夜方甦達旦痛止去其
封損處已白其青瘀乃移在臼上自是日日易之腫
直至肩背於是以藥下之瀉黑血三升五日復常遂
得赴試蓋用生地黃研如泥木香為細末以地黃膏
攤紙上摻木香末一層又再攤地黃貼腫上此正治
打撲傷損及一切癰腫未破令內消云

類說○宋
張杲醫說

崔元亮海上方治一切心痛無問久新以生地黃一味隨人所食多少搗取汁搜麩作餅飪或作冷淘良久當利出蟲長一尺許頭似壁宮後不復患劉禹錫傳信方貞元十年通事舍人崔抗女患心痛氣垂絕遂作地黃冷淘食之便吐一物可方一寸以來如蝦蟇狀無目足等微似有口蓋為此物所食自此頓愈麩中忌用鹽本事方同上

名醫言虎中藥箭食清泥野豬中藥箭應薺芫而食雉被鷹傷以地黃葉帖之又礬石可以害鼠張鷟曾

試之鼠中如醉亦不識人知取泥汁飲之須臾平復鳥獸蟲物猶知解毒何況人乎被矢中者以甲蟲末傳之同上

地黃處處有之河南懷慶者佳二月生莖有細短白毛葉布地深青色似小芥葉而厚不叉上有皺文毛濇不光高者尺餘低者三四寸摘其傷葉作菜甚益人開小筒子花似油麻花但有斑點紅紫色亦有黃者實作房如連翹子如小麥褐色根黃如胡蘿蔔粗細長短不一根入土即生宜肥地虛則根大而多

汁正九月採根明王蓋臣二如亭羣芳譜

種植宜沙軟地先於十二月耕熟至正月細耙三四遍然後作溝闊二尺兩溝作一畦闊四尺其畦微高而平硬甚不受水三月初種苗未生時得水即爛畦中又撥作溝深三寸取地黃切長二寸種於溝內以熟糞土蓋厚三寸許每一畝用根五十斤蓋土訖即取經冬爛草覆之候牙稍出以火燒其草令燒去其苗再生葉肥茂根益壯自春至秋凡五六耘不得鋤一年後滿畦宿根採訖還生八月堪採根若不採其

根太盛春二月宜出之若秋採訖至春不復更種其生者猶得三四年但採訖比至明年耨耘而已神隱云參驗古法此為最良按本草二八月採殊未窮物性也不如冬月採妙又烝曬相宜也欲食其葉但露散後摘取芴葉勿損中心正葉秋收其花可充冬用上同

地黃種須黑良田五徧細耕三月以上旬為上時中旬為中時下旬為下時一畝下種五石其種還用三月中掘取者逐犁後如禾麥法下之至四月末五月

初生苗訖至八月盡九月初根成中用若須留為種者即在地中勿掘之待來年三月取之為種計一畝可收根三十石有草鋤不限遍數鋤時別作小刃鋤勿使細土覆心今秋收訖至來年更不須種自旅生也唯鋤之如此得四年不要種之皆餘根自出矣

明徐

光啓農政全書

婆婆孺即地黄苗處處有之其苗初生塌地葉如山白菜而毛濇葉面淡青色有皺文又似小芥葉而頗厚葉中攢莖上有細毛其花似脂麻花而紅紫色其

根長四五寸細如手指皮赤黃色如羊蹄根及胡蘿蔔根曝乾乃黑生食作土氣其葉作菜甚益人禮記

云羊芥豕薇則自古已食之矣

趙南星上醫本草

地黄葉生布地上有皺紋根如手指通黃色

八閩通志

地黄葉生布地上有皺紋根通黃色

肇慶府志

地黄有生熟二用又有精粗不同欲辨之者于初採時以水浸之其浮者名天黃不可用半沉者為人黃次之下沉者始名地黃最佳凡人服此宜忌蘿蔔犯之令人白髮亦忌銅鐵器

萬曆杭州府志

草屬

地黄

八

地黃一名地髓以 驗之沉者為佳重修靖江縣志

地黃爾雅芑地黃郭璞曰一名地髓爾雅翼曰以水

試之浮者名天黃半沉半浮者名人黃沉者名地黃

芑字從下亦趨下之義也汀州府誌

地黃藥草也一名地髓一名芑河間府志

生地俗名山芥菜上海縣志

種地黃懷慶東灣最佳畦坑糞土正月種之以冬爛

草覆之候芽稍出以火燒草去其苗再生葉肥根益

壯有一斤三十枝者餘或揉或以菊花心為貴本草

言一八月采不如冬月采妙浙中亦種之歐陽獻萬

以西山麓田種之獲數倍於稻乘雅曰種芑次年種

牛膝次種芝麻十年乃種芑芑收地汁也清皖桐方氏物理小

識

地黃葉如小芥莖有細毛花紅黃色實如小麥粒根

如手指曝乾乃黑古人種子今惟種根臘月取地黃

切一寸長分畦種之蓋以熟土覆以經冬爛草自春

至秋凡五六耘不得鋤本草云二月八月採殊未窮

物性也八月殘葉猶在葉中精氣未盡歸根二月新

苗已生根中精氣已滋不如正月九月採者妙江浙
出者受南方陽氣質性光潤而力微懷慶出者稟北
方純陰皮有疙瘩而力大食其葉亦大有益清石巖
逸叟增
定致富
奇書

生地黄甘苦寒無毒禁犯鐵忌萊菔諸血採得鮮者
即用為生地黄炙焙乾收者為乾地黄以法制過者
為熟地黄清張璐本
經逢原

本經主傷中逐血痺填骨髓長肌肉作湯除寒熱積
聚療折跌傷筋久服輕身不老生者尤良同上

昔人治心痛以鮮地黄汁作冷淘食之取吐不吐則
利出長蟲如壁宮而安此即本經除寒熱積聚之驗
其於服食方中用之取以輔助諸藥辟除二蟲使從
幽門化出也因思千金靈飛散中生地黄急不可得
鮮者取乾者應用乃知本經末後續出生者尤良
一語見古聖之苦心無所不用其極也愚按生地黄
與乾地黄功用不同豈可混論按徐之才別錄云生
地黄乃新掘之鮮者為散血之專藥觀本經主治皆
指鮮者而言祇緣諸家本草從未明言且產處遼遠

藥肆僅有乾者鮮者絕不可得是不能無混用之失
 曷知乾地黃既經炙焙力能止血安有傷中血痺折
 跌筋傷等治乎至於傷中日久積聚內形寒熱外顯
 竝宜鮮者作湯統領他藥共襄破宿生新之功設混
 用乾者則瘀傷愈結安望其有髓充肉長之勳乎予
 嘗綜覽諸方凡藥之未經火者性皆行散已經炙焙
 性皆守中不獨地黃爲然也同上

牛膝

一名百倍神農本草 一名牛莖廣雅 一名牛脣外臺
 方 一名山萹菜救荒本草 一名脚斯登同上 一名對
 節菜同上

俗名異那谷紫地山城 又名勿施他華同上 又
 名也勿施賴密同上 又名異秃魯別以備前 又
 名哥埋那肥索常陸州

草屬 牛膝 一

本草綱目卷之十一

牛膝

牛膝陶隱居云今出近道蔡州者最長大柔潤其莖有節似牛膝故以為名也乃云有雌雄雄者莖紫色而節大為勝爾唐本注云諸藥八月已前採者皆日乾火乾乃佳不爾飽爛黑黯其十月已後至正月乃可陰乾嘉祐補註本草

牛膝生河內川谷及臨朐今江淮閩粵關中亦有之然不及懷州者為真春生苗莖高二三尺青紫色有節如鶴膝又如牛膝狀以此名之葉尖圓如匙兩兩

無勿顧

草屬 牛膝 二

相對於節上生花作穗秋結實甚細此有二種莖紫
節大者爲雄青細者爲雌二月八月十月採根陰乾
根極長大而柔潤者佳莖葉亦可單用葛洪治老瘡
久不斷者取莖葉一把切以酒三升漬服令微有酒
氣不即斷更作不過三劑止唐崔元亮海上方治瘡
用水煮牛膝根未發前服今福州人單用土牛膝根
淨洗切焙乾搗下篩酒煎溫服云治婦人血塊極效
本草
圖經
牛膝今西京作畦種有長三尺者最佳與菘蓉酒浸

服益腎竹木刺入肉醬爛吞之即出宋寇宗奭本草衍義

山萹菜本草名牛膝一名百倍俗名脚斯蹬又名對
節菜生河內川谷及臨朐江淮閩粵關中蘇州皆有
之然皆不及懷州者爲真蔡州者最長大柔潤今鈞
州山野中亦有之苗高二尺許莖方青紫色其莖有
節如鶴膝又如牛膝狀葉似萹菜葉而長頗尖音
葉皆對生開花作穗根味苦酸性平無毒葉味甘微
酸惡螢火陸英龜甲畏白朮救飢採苗葉燂熟換水
浸去酸味淘淨油鹽調食明徐光啓農政全書

牛膝處處有之謂之土牛膝不堪服食惟此土及川
中人家栽蒔者為良秋間收子至春種之其苗方莖
暴節葉皆對生頗似莧葉而長且尖梢秋月開花作
穗結子狀如小鼠負蟲有濇毛皆貼莖倒生九月末
取根水中浸兩宿按去皮裹紮暴乾雖白直可貴而
按去白汁入藥不如雷皮者力大也嫩苗可作菜茹
明李東璧
本草綱目
按陳日華經驗方云方夷吾所編集要方予刻之臨
汀後在鄂渚得九江守五南強書云老人久苦淋疾

百藥不效偶見臨汀集要方中用牛膝者服之而愈
又葉朝議親人患血淋流下小便在盆內凝如蒟蒻
久而有變如鼠形但無足爾百治不效一村醫用牛
膝根煎濃汁日飲五服名地髓湯雖未即愈而血色
漸淡久乃復舊後十年病又作服之又瘥因檢本草
見肘後方治小便不利莖中痛欲效用牛膝并葉以
酒煮服之今再括出表其神功又按楊士瀛直指方
云小便淋痛或尿血或沙石脹痛用川牛膝一兩水
二盞煎一盞溫服一婦患此十年服之得效土牛膝

亦可或入麝香乳香尤良同上

謹按苦杖天明精並名杜牛膝丹溪心法地髓湯治或血作淋痛不可忍其所用杜牛膝乃苦杖根也

別錄曰牛膝生河內川谷及臨朐江淮閩粵川陝等處蔡州者最長大柔潤其莖有節節大者為勝河北者色白然不及懷慶者為妙家栽蒔者為良冬初收子至春種之春生苗方莖高二三尺紫色有節如鶴膝葉皆對生頗似莧而長且尖簡秋月節上開花成

穗結實如小鼠負蟲有漚毛貼莖倒生根柔潤而細一直生下長者約二三尺九月采根洗淨日乾用凡使須去蘆頭酒浸入藥又蘇州者色紫與江浙並稱土牛膝性寒破血通經利小便閉濁淋瀝諸證明倪朱謨

本草彙言

造牛膝八月中以長鐵掘取根水中浸一宿置密篩中擦去皮曬令極乾自用者不須去皮洗淨便曬更

有力涵虛子懼仙祕傳神隱

醫方云牛膝忌牛肉余好竅物性嘗於冬日以牛肉

裹牛膝經旬肉藥俱不改因知始初此論意者徒以名類然也即思本草云鳧茨令人臍下常痛斯堪絕倒若爾則王莽末南方餓死掘食何不東觀書載其多患臍臍氣乎牛膝之忌當由痔疾不宜食雉肉痔風也偶然此肉發動腸風而病名與鳧茨同爾

宋李濟翁

資暇錄

牛膝春生苗莖高二三尺青紫色有節如牛膝因名

八閩通志

牛膝有雌雄二種雄者莖紫色而節大為勝萬曆杭州府志

土牛膝出封川陽江根小劣於楚蜀主治皆同肇慶府志

牛膝本草圖經曰牛膝生河內山谷及臨朐今江淮

間粵閩中亦有之閩書

牛膝秋收子春種肥地淺耕土鬆易長翦苗食如翦

韭法旱則鋤去荒則澆水秋亦可種其節腫故名牛

膝其根直下一尺餘有力如牛也淮滕細川滕及各

地方氏物

牛膝葉如夏蘭莖本赤花作穗結實甚細一名百倍

一名對節菜懷慶出者良雌者節細莖青根短堅脆

本草綱目卷之七

無力雄者節大莖紫根長柔潤有功二月種肥地秋
間採根清石巖逸叟增定致富奇書

牛膝其苗方莖暴節葉皆對生頗似莧葉而長且光
節音哨角銳上也○清劉若金本草述

土牛膝豈即天名精耶所載形象及性味功用殆相
同也但專主破血不似川牛膝兼補精血用土牛膝

春夏用葉秋冬用根唯葉汁效尤速凡服牛膝忌牛
肉清顧元交本草彙箋

備急療小便不利莖中痛劇亦療婦人血結腹堅痛

牛膝飲方生牛膝一名牛膏掘取根煮服之立差肘後
同○唐王燾外臺祕要方

無勿類集 卷之七 草屬 牛膝 七

庶物類纂
卷之十一

庶物類纂草屬卷之十一目次

書帶草

繡墩草

車前

知母

白薇

庶物類纂
卷之十一

草屬目次

本草綱目卷之十一
草部
一



書帶草

一名秀墩草
鏡花

俗名養卜賴母

本草綱目卷之十一
草部
一

草屬 書帶草 一

本草綱目卷之十一

書帶草

鄭司農常居不其城南山中教授黃中亂乃避遣生徒崔琰王經諸賢於此揮涕而散所居山下草如薤葉長尺餘堅韌異常土人呼為康成書帶草晉伏琛三齊略記

書帶草叢生葉如韭而更細性柔韌色翠綠鮮妍出山東淄川縣城北嶺山鄭康成讀書處名康成書帶草菽之盆中蓬蓬四垂頗堪清賞明王蓋臣二如亭羣芳譜書帶草似蒲開紫花重修江縣志

無物類纂 卷之十一 草屬 書帶草 二

庶物類集 卷十一

護階草俗名沿階草又呼階前草一種小葉少花結圓實紫藍色一種大葉多花即書帶草也肇慶府志

書帶草草名帶長如書帶故名河間府志

書帶草出巖山葉似薤四時青翠昔鄭玄註書叢生

此草清沈賦名花譜

書帶草一名秀墩草叢生一團葉如韭而更細長性

柔靱色翠綠鮮潤出山東淄川鄭康成讀書處近今

江浙皆有植之庭砌蓬蓬四垂頗堪清玩若以細泥

常加其中則層次生高真如秀墩可愛清陳湜子秘傳花鏡

書帶草其名極佳苦不得見譜載出淄川城北鄭康

成讀書處名康成書帶草意康成雅人豈作王戎鑽

核故事不使種傳別地耶康成婢子知書使天下婢

子皆不知書則此草不可移否則處處堪栽也清李漁間

寄情偶

庶物類集

卷十一

草屬

書帶草

三

本草綱目卷之十一

繡墩草

一名麥門冬神農本草 一名羊韭名醫別錄 一名愛韭
同上 一名馬韭同上 一名羊著同上 一名禹葭同上
 名禹餘糧同上 一名蘂冬吳普本草 一名忍冬同上
 名忍陵同上 一名不死藥同上 一名僕壘同上
 隨脂同上 一名綠草雁山志 一名護堦草滁陽志
 名沿堦草吳縣志 一名階前草江陰縣志 一名木門
 冬重修靖江縣志 一名秀墩草名花譜

本草綱目卷之十一

草屬

繡墩草

一

俗名他紫那肥傑加賀州又名施耶烏革肥傑
山城州

繡墩草

牆藤蔓冬

爾雅○ 藤音美

門冬一名滿冬本草云

晉郭璞 爾雅註

藥草也一名牆藤一名蔓冬案山海經云條谷山其

草多芍藥蔓冬郭註亦云本草一名滿冬今檢本草

有門冬一名顛勒麥門冬秦名羊韭齊名愛韭楚

名馬韭越名羊著一名禹葭一名禹餘糧無名滿冬

者蓋所見本異也蔓門字異音同耳

宋邢昺 爾雅疏

今謂之門冬其蔓葉可愛藤音美

宋鄭夾漈 爾雅註

麥門冬陶隱居云函谷即秦關而麥門冬異於羊韭之名矣處處有以四月採冬月作實如青珠根似積麥故謂麥門冬以肥大者為好用之湯澤抽去心不爾令人煩斷穀家為要二門冬潤時並重既燥即輕一斤減四五兩爾今按陳藏器本草云麥門冬本經不言生者按生者本功外去心煮飲止煩熱消渴身重目黃寒熱體勞止嘔開胃下痰飲乾者入丸散及湯用之功如本經方家自有分別出江寧小潤出新安大白其大者苗如鹿蔥小者如韭葉大小有三四

種功用相似其子圓碧久服輕身明目和車前子乾地黃為丸食後服之去溫瘴變白明目夜中見光臣禹錫等謹按吳氏云一名馬韭一名蘘音門冬一名忍冬一名忍陵一名不死藥一名僕壘一名隨脂神農岐伯甘平黃帝桐君雷公甘無毒李氏甘小溫扁鵲無毒生山谷肥地葉如韭肥澤叢生採無時實青黃嘉祐補註本草麥門冬生函谷川谷及堤坂肥土石間久廢處今所在有之葉青似沙草長及尺餘四季不凋根黃白色

有鬚根作連珠形似穞麥類故名麥門冬四月開淡
紅花如紅蓼花實碧而圓如珠江南出者葉大者苗
如鹿蔥小者如韭大小有三四種功用相似或云吳
地者尤勝二月三月八月十月採陰乾亦堪單作煎
餌之取新根去心搗熟絞取汁和白蜜銀器中重湯
煮攪不停手候如飴乃成酒化溫服之治中益心悅
顏色安神益氣令人肥健其力甚駛本草圖經
麥門冬根上子也治心肺虛熱并虛勞客熱亦可取
苗作熟水飲宋寇宗奭本草衍義

麥鬚曰蘘此草根似麥而有鬚其葉如韭凌冬不凋
故謂之麥蘘冬及有諸韭忍冬諸名俗作門冬便于
字也可以服食斷穀故又有餘糧不死之稱吳普本
草一名僕壘一名隨脂明李東璧本草綱目
麥門冬古人惟用野生者後生所用多是種蒔而成
其法四月初採根於黑壤肥沙地栽之每年六月九
月十一月三次上糞及芸灌夏至前一日取根洗曬
收之其子亦可種但成遲爾浙中來者甚良其葉似
韭而多縱文且堅韌為異同上

李時珍先生曰麥鬣曰蘘此草根似麥而有鬣其葉如韭凌冬不凋故謂之麥蘘冬從門便于字也可以服食救饑故又有禹餘糧之稱又按別錄葉如韭冬夏長生生函谷川谷及堤坡肥土石間者多野生出江寧新安及仁和寬橋者多種時七九十一月上糞及耘灌次年夏至前收采前人嘗用野生者細皺香美宛如麥粒功力更勝也四季不枯秋冬根葉轉茂叢生如韭青似沙草長尺餘多縱理四月開花如麥結實翠綠如珠根鬣叢冗如蝟鬣連結儼若琅玕

色白如凝玉中心堅勁最多脂液也修治以熱湯潤

軟抽去中心用如作丸酒蒸爛搗膏入藥內明倪朱謨本草

言

麥門冬一名蘘冬一名忍冬一名忍陵一名禹韭齊名愛韭秦名烏韭楚名馬韭越名羊韭一名禹餘糧一名階前草一名不死草一名僕壘一名隨脂所在有之大小三四種功用相似其葉青大者如鹿蔥小者如韭浙中者良多縱紋且堅韌長及尺餘四季不凋根黃白色有鬣在根如連珠四月開淡紅花如紅

蓼實圓碧如珠吳地者勝

明王蓋臣二如亭羣芳譜

種植四月初採根于黑壤肥沙地栽之每年六月九月十一月三次上糞及耘灌夏至前一日取根洗曬收之

上同

蔞蘿蔓冬郭璞曰今門冬也一名滿冬按蔓冬有二其一則天門冬一名顛棘釋草所謂髦顛棘也故郭璞注顛棘云細葉有刺蔓生其一則麥門冬生出山谷肥地葉如韭四季不凋根有鬚作連珠形似穞麥顆故名麥門冬四月開花淡紅如紅蓼花實圓碧如

珠秦名羊韭齊名愛韭楚名馬韭越名羊著謝靈運

山居賦曰二冬竝稱而殊性潛夫論曰夫理世不得

真賢譬猶治疾不得真藥也治疾當得麥門冬反得

烝穞麥已不識真合而飲之疾以瘳劇而不知為人所欺也

山海經曰條谷之山其草多芍藥蔓冬宋羅願爾

雅翼

麥門冬本草云秦名羊韭齊名愛韭楚名馬韭越名

羊著一名禹葭一名禹餘糧生隨州陸州及函谷堤

坂肥土石間久廢處有之今輝縣山野中亦有葉似

韭葉而長冬夏長生根如穞麥而白色出江寧者小潤出新安者大白大者苗如鹿蔥小者如韭味甘性平微寒無毒地黃車前為之使惡款冬苦瓠苦艾畏木耳苦參青蘘救飢採根換水浸去邪味淘洗淨蒸熟去心食明徐光啓農政全書
麥門冬葉青似莎草長及尺餘冬夏長生根作連珠形如穞麥類故名八閩通志
麥門冬葉似莎草根如連珠形如麥粒泉州府志
麥門冬爾雅翼曰葉如韭四季不彫根有作連珠形

似穞麥本草謂久服輕身不老不饑一名禹餘糧汀州府誌

護階草俗名沿階草又呼階前草一種小葉少花結

圓實紫藍色一種大葉多花即書帶草也肇慶府志

麥門冬味甘平生川谷治心腹結氣久服輕身不老

不饑同上

麥門冬去心用之以肥大者為佳萬曆杭州府志

麥門冬即護階草根滁陽志

謹按江都新志同

麥門冬俗呼為階前草根如穰麥結實如青珠江陰縣志

繡墩草叢生如坐墩根即為木門冬重修靖江縣志

麥門冬即沿階草吳縣志

綠草根有子如麥大白色名綠草米一名麥門冬性

寒能治熱渴用鴈山志

麥冬曰珍珠蘭明方以智通雅

麥門冬一名階前草一名羊韭葉如韭又如莎草四

時不萎根黃白色似麥而有鬚花如紅蓼實碧圓如

珠四月初取根栽肥地每年六月九月十一月三次

上糞芸鋤夏至前採收清石巖逸叟增定致富奇書

書帶草出蠻山葉似薙四時青翠昔鄭玄註書叢生

此草秀墩草葉類而差短叢密如墩藝之石旁可以

代繡清沈賦名花譜

階前草一名忍冬即麥門冬所在有之產吳地者勝

葉似韭而短又如莎草四時長青其根黃白色似麥

而有鬚花如紅蓼實碧圓如珠四月初取根栽肥地

自茂每於六七月及十一月宜用糞澆芸鋤俟夏至

後便可取根入藥若以數莖植於階砌亦青翠可觀

清陳誤子
秘傳花鏡

麥門冬。穀曰出。丞谷川谷及隄坂肥土石間者多野
生。出江寧新安及仁和笕橋者多種。時古人唯用野
生者。細皺香美。宛如麥粒。功力殊勝也。四季不凋。秋
冬根葉轉茂。叢生如韭。青似莎草。長尺餘。多縱理。四
月開花。如蓼結實。翠碧如珠。根鬚冗。蝟貫鬚。連結。儼
若琅玕。色白如玉。中心堅勁。最多脂液也。清劉若金
本草述

車前

一名芡苢。爾雅一名馬烏。同上一名當道。神農本草
一名蝦蟇衣。別名醫錄一名牛遺。同上一名勝烏。同上
一名車輪菜。救荒本草一名地衣。本草綱目一名牛舌草。
毛詩草木鳥獸蟲魚疏一名蝦蟇草。儋州志一名七根草。
興化府志一名豬耳菜。雷州府志一名野甜菜。簡便諸方

俗名和和拔哥。山城州埋立哥。陸奧州

於西戎王基駁云王會所記雜物奇獸皆四夷遠國各齎土地異物以為貢贄非周南婦人所得采是芣苢為馬舄之草非西戎之本也

宋邢昺爾雅疏

今謂之車前草

宋鄭夾添爾雅註

車前子陶隱居云人家及路邊甚多其葉擣取汁服療洩精甚驗子性令利仙經亦服餌之令人身輕能跳越岸谷不老而長生也韓詩乃言芣苢是木似李食其實宜子孫此為謬矣唐本注云今出閩州者為最臣禹錫等謹按爾雅云芣苢馬舄馬舄車前注今

車前草大葉長穗好生道邊江東呼為蝦蟆衣疏引陸璣疏云馬舄一名車前一名當道喜在牛跡中生故曰車前當道也幽州人謂之牛舌可鬻作茹大滑其子治婦人難產

嘉祐補註本草

車前子生真定平澤丘陵道路中今江湖淮甸近京北地處處有之春初生苗葉布地如匙面累年者長及尺餘如鼠尾花甚細青色微赤結實如葶藶赤黑色五月五日採陰乾今人五月採苗七月八月採實人家園圃中或種之蜀中尤尚北人取根日乾作紫

苑賣之甚誤所用謹按周南詩云采芣芣爾雅云芣苢馬舄馬舄車前郭璞云今車前草大葉當道長穗好生道邊江東人呼為蝦蟇衣陸璣云馬舄一名車前一名當道喜在牛跡中生故曰車前當道也幽州人謂之牛舌草可齧與煮同作茹大滑其子治婦人難產是也然今人不復有噉者其子入藥最多駐景丸用車前菟絲二物蜜丸食下服古今為奇方其葉今醫家生研水解飲之治衄血甚善本草圖經車前陶隱居云其葉擣取汁服療洩精大誤矣此藥

甘滑利小便走洩精氣陶云主小便赤下氣有人作

菜食小便不禁幾為所誤宋寇宗奭本草衍義

車輪菜本草名車前子一名當道一名芣苢音淨一

名蝦蟇衣一名牛遺一名勝舄菜爾雅云馬舄幽州

人謂之牛舌草生滁州及真定平澤今處處有之春

初生苗葉布地如匙面累羊者長及尺餘又似玉簪

葉稍大而薄葉叢中心攢葶三四莖作長穗如鼠尾

花甚密青色微赤結實如葶藶子赤黑色生道傍味

甘鹹性寒無毒一云味甘性平葉及根味甘性寒常

山為之使救饑採嫩苗焯熟水浸去涎味淘淨油鹽

調食 明周憲王 救荒本草

王曼山居錄有種車前翦苗食法則昔人常以為蔬

矣今野人猶採食之 明李東壁 本草綱目

芣苢一名馬烏一名車前一名當道喜在牛跡中生

故曰車前當道也今藥中車前子是也幽州人謂之

牛舌草可鬻作茹大滑其子治婦人難產 唐陸機毛 詩草木鳥

獸蟲 魚疏

歐陽文忠公常得暴下國醫不能愈夫人云市人有

此藥三文一貼甚效公曰吾輩臟腑與市人不同不

可服夫人使以國醫藥雜進之一服而愈公召賣者

厚遺之求其方久之乃肯傳但用車前子一味為末

米飲下一錢匕云此藥利水道而不動氣水道利則

清濁分穀藏自止矣 宋蘇東坡文集

車前一名芣苢一名地衣一名當道一名牛舌一名

牛遺一名馬烏一名車輪菜一名蝦蟇衣好生道傍

及牛馬跡中處處有之開州者勝春初生苗葉布地

如匙面年久者長及尺餘中抽數莖作長穗結實如

葶藶赤黑色圍莖上如鼠尾花青色微赤甚細密五月採苗八九月採實人家園圃或種之味甘寒無毒養肺強陰益精除溼痺利水導小腸熱不走氣止暑溼瀉痢治產難歷丹石毒去心胸煩熱久服輕身明目耐老令人有子明王蓋臣二如亭羣芳譜
車前草即野甜菜明徐陟簡便諸方
車前子即芣苢也大葉長穗好生道傍一名馬鬣一名蝦蟆衣八閩通志
車前子毛詩作芣苢爾雅作馬鬣陸璣疏此草好生

牛馬跡中故有車前當道馬跡牛遺之名春生苗布地如匙長尺餘花甚細子黑色利小水療產難肇慶府志
車前子俗呼七根草興化府志
車前可利小水愈白濁雷州府志
豬耳即車前同上
車前子俗名豬耳菜性極涼同上
車前子一名芣苢大葉長穗好生道傍強陰益精令人有子九江府志
車前子即詩所謂芣苢俗謂之蝦蟆衣河間府志

車前子 詩名 芣苢 大葉長穗 好生道傍 汀州府誌

車前子 卽芣苢 福寧州志

車前子 卽芣苢 俗名蝦蟇草 儋州志

車前子 詩云 芣苢 俗呼爲蝦蟇草 大葉長穗 生道旁

江陰縣志

車前子 生道周 及牛馬跡中 詩稱芣苢 卽此 重修靖江縣志

車前子 卽詩所謂采采芣苢 爾雅曰 芣苢 馬舄 車前

也 陸璣疏曰 一名當道 喜在牛跡中生 故曰車前 江

東人呼爲蝦蟇衣 海澄縣志

知母

一名薄 爾雅 一名蒞藩 同上 一名蜺母 神農本草

李東壁曰音 一名連母 同上 一名野蓼 同上 一名

地參 同上 一名水參 同上 一名水浚 同上 一名貨母

同上 一名蜺母 同上 蜺音匙 又音 一名女雷

名醫 一名女理 同上 一名兒草 同上 一名鹿列 同上

別錄 一名韭逢 同上 一名兒踵草 同上 一名東根 同上

名水須 同上 一名昌支 嘉祐補註本草

知母

蕤苳爾雅。蕤徒南切。苳音沉。

生山上。葉如韭。一曰蜚母。晉郭璞爾雅註

藥草知母也。一名蕤。一名苳。郭云生山上。葉如韭。

一名蜚母。案本草此名之外。更有十餘名。文多不載。

陶註云。形似菖蒲。而柔潤。葉至難死。掘出。隨生。須枯。

燥乃止也。宋邢昺爾雅疏

蕤音單。知母也。宋鄭夾漈爾雅註

知母。陶隱居云。今出彭城。形似菖蒲。而柔潤。葉至難。

死掘出隨生須枯燥乃止甚療熱結亦主瘧熱煩也
 臣禹錫等謹按爾雅云蕒沈藩釋曰知母也一名蕒
 一名沈藩郭云生山上葉如韭范子云提母出二輔
 黃白者善嘉祐補註本草
 知母生河內川谷今瀕河諸郡及解州滁州亦有之
 根黃色似菖蒲而柔潤葉至難死掘出隨生須燥乃
 止四月開青花如韭花八月結實二月八月採根暴
 乾用爾雅謂之蕒徒南切又謂之沈直林切藩是也肘後
 方用此一物治溪毒大勝其法連根葉搗作散服之

白薇

一名白幕名醫別錄 一名薇草同上 一名春草同上
 名骨美同上

俗名勿柰華落山城州

白薇

白薇陶隱居云近道處處有根狀似牛膝而短小爾方家用多療驚邪風狂症病

嘉祐補注本草

白薇生平原川谷今陝西諸郡及滁舒潤遼州亦有之莖葉俱青頗類柳葉六七月開紅花八月結實根黃白色類牛膝而短小三月三日採根陰乾用今云

八月採

本草圖經

白薇微細也其根細而白也按爾雅薺春草也微薺音相近則白薇又薺音之轉也別錄以薺為薺草之

名誤矣 明李東壁
本草綱目

謹按本草云白薇一名春草又云莽草一名春草
二草俱有春草之名而其物不同也爾雅云蒨春
草郭註以為莽草其非白薇明矣李東壁因微蒨
音相近遂指為一物謬也

蘇氏曰白薇出陝西及舒徐潤遼諸州近以山東沂
濮莒萊諸州者稱勝莖葉俱青頗類柳葉六七月開
紅色花遂結實根似牛膝而細長尺許色黃微白芳
香襲人者白薇也色白微黃折之易斷者白前也 明倪

朱謨本
草彙言

白薇一名白幕一名薇草一名春草一名骨美生平
原川谷并陝西諸郡及滁州今鈞州密縣山野中亦
有之苗高一二尺莖葉俱青頗類柳葉而闊短又似
女婁腳葉而長破毛澀開花紅色又云紫花結實似
地稍瓜而大中有白瓢根狀如牛膝根而短黃白色
味苦鹹性平大寒無毒惡黃耆大黃大戟乾薑乾漆
山茱萸大棗救飢採嫩葉燂熟水淘淨油鹽調食并
取嫩魚燂熟亦可食 明徐光啟
農政全書

白薇一名春草生陝西及滁舒潤遼等處莖與葉俱青頗似柳葉七月開紅花八月結實根似牛膝而短可以入藥清陳湜子秘傳花鏡





